

## Deklaracija EKS o epidemiji Corona virusom (COVID-19)

Usvojena na Izvršnom komitetu 9-10. februara 2020. godine

---

Na sastanku održanom 9-10. marta 2020. Godine u Briselu, Izvršni odbor ETUC apelovao je za smirenost nakon izbijanja COVID-19 i pozvao ljude da se pridržavaju savjeta nadležnih zdravstvenih tijela širom svijeta.

Izvršni odbor pozdravio je do sada poduzete korake kako u EU, tako i na nacionalnom nivou, ali insistira na tome da se usvoje sve daljnje potrebne mjere kako bi se zaustavilo i zadržalo širenje virusa, kao i preduzete mjere za upravljanje zdravljem i lijekovima, te ekonomski efekti ove situacije bez presedana. Pozivamo vlasti da preduzmu koordiniraniju akciju i imaju aktivniju ulogu s ciljem davanja hitne podrške ekonomijama širom Europe. Ne možemo prihvatiti da ekonomski teret ove krize, koji će vjerojatno biti mnogo ozbiljniji nego finansijska kriza iz 2008. padne na javne finansije, javne usluge i na kraju radnike Evrope. Ne možemo prihvatiti daljnju štednju i rezove zbog krize izazvane COVID-19.

Moraju se uspostaviti hitne mjere Europske komisije i drugih institucija EU-a, uključujući ECB, i države članice, poput ublažavanja fiskalnih pravila u skladu sa Paktom o stabilnosti i rastu i pravilima o državnoj potpori, uz usvajanje dodatnog zakonodavstva kako bi se sredstva EU-a odmah oslobodila zbog pomoći onima koji su najteže pogođeni. Ovo mora uključivati finansijsku potporu radnicima koji su u karanteni, suspendovani s posla ili suvišni zbog COVID-19. U tom pogledu, posebna pažnja mora se posvetiti nesigurnim i nestandardnim radnicima koji su često isključeni iz ovih prava i zaštite kao ostali radnici.

Komitet je naglasio produblјivanje zabrinutosti zbog implikacija za radnike. Mnogi naši članovi u izravnom su kontaktu s javnošću i, kao takvi, riskiraju da se zaraze i prenesu bolest drugima. Moramo osigurati da im zdravlje i sigurnost budu prvi prioritet. Pozivamo sve poslodavce da primjenjuju načela prevencije, provodeći sve odgovarajuće mjere zaštite zdravlja radnika na radnom mjestu, posebno za one koji su pod visokim rizikom da se izlože, uključujući sve zdravstvene radnike.

Pored toga, Komitet je pozvao na hitne mjere kako bi se osiguralo da se svi radnici koji imaju simptome, koji su smješteni u karantenu, kao i oni koji su dužni ostati kod kuće, kako bi se brinuli o članovima porodice koji su bolesni ili u karanteni, a što su većinom žene, mogu odmoriti bez straha da će izgubiti posao ili prihode. Pogođeni radnici u sektorima u kojima se poštuje socijalni dijalog, uključujući kolektivno pregovaranje, bit će obuhvaćeni postojećim sporazumima.

Međutim, to nije slučaj za stotine hiljada drugih radnika, uključujući one koji možda nemaju pravo na bolovanje, one u nisko plaćenim sektorima ili nesigurnim oblicima zaposlenje, koji su visoko ovisni o primanjima od rada. Može biti da neki radnici, bez svoje krivice, jednostavno ne mogu sebi da priušte samoizolaciju. Konačno, Izvršni komitet pozvao je vlade na oprez i da osiguraju da beskrupulozni poslodavci ne koriste COVID-19 da bi opravdali smanjenje ili masovno otpuštanje. Također je neophodno da poslodavci preuzmu svoj dio finansijskog opterećenja.



S obzirom na to da je neophodno osigurati uspjeh kod suzbijanja virusa, od ključne je važnosti da radnici ne dožive prekide u primitiku dohotka koji proizlaze iz COVID-19. Smatramo da je stoga od najveće važnosti održavati neto prihod svih pogođenih radnika kako bi bili u stanju nastaviti sa svojim životom.

Izbijanje epidemije COVID-19 naglašava potrebu za jačanjem univerzalnih javnih zdravstvenih sistema zasnovanih na solidarnosti, kao dijela socijalnog modela EU i opredjeljenja za kvalitetne javne usluge. Potrebno je više javnih ulaganja da bi se osigurao dovoljan nivo dobro obučenog osoblja i pristup zdravstvenoj zaštiti za sve.

Pozdravljamo posvećenost fleksibilnom pristupu fiskalnim ciljevima koje je EU nedavno objavila, ali je također potrebna stalna politička podrška dobro funkcionirajućim sistemima javnog zdravstva. Trebamo da države članice i EU poduzmu sve ekonomske mjere kako bi se spriječilo da se ovo javno zdravstveno stanje pretvori u globalnu recesiju s katastrofalnim posljedicama za radnike i njihove porodice.

U tom pogledu, socijalni partneri moraju biti blagovremeno informisani i s njima konsultovani na takav način da mogu doprinijeti garantovanju interesa radnih ljudi, posebno u slučaju ad hoc socijalnih i ekonomskih mjera koje mogu nastati iz ove krize.